

## **HŁOWNE WUSTAWKI GMEJNY CHRÓŚCICY**

Na zakładze § 4 wotst. 2 w zwisku z § 28 wotst. 1 Gmejskeho porjada Swobodneho stata Sakskeje w stajnje płáciwej formje je gmejska rada gmejny Chróścicy dnja 21.09.2017 z wjetšinu hłosow wšitkich člonow gmejskeje rady slědowace hłowne wustawki wobzamknyła:

### **PRĚNI DŽĚL ORGANY GMEJNY**

#### **§ 1 Organy gmejny**

Organaj gmejny staj gmejska rada a wjesnjanosta.

### **PRĚNI WOTRĚŽK GMEJNSKA RADA**

#### **§ 2 Prawniske stejišćo a nadawki gmejskeje rady**

Gmejska rada je zastupnistwo wobydlerjow a je hłowny organ gmejny. Wón mjenuje so gmejska rada. Gmejska rada zapołoži zakłady zarjadnistwa gmejny a rozsudža wo wšitkich naležnosćach gmejny, dalokož njeje wjesnjanosta na zakładze zakonjow za to zamołwity abo jemu gmejska rada wosebite naležnosće njepřenjese.

Gmejska rada kontroluje zwoprawdženje svojich wobzamknjenjow a stara so při njedostatkach w gmejnskim zarjadnistwje wo wotstronjenje tutech přez wjesnjanostu.

#### **§ 3 Zestawa gmejskeje rady**

- (1) Gmejska rada wobsteji z gmejnskich radźićelow a wjesnjanosty jako předsydu.
- (2) Po stawje z dnja 31.12.2016 ma gmejna 1.038 wobydlerjow. Ličba gmejnskich radźićelow so z tym po § 29 wotst. 3 SächsgemO na 12 postaji.

#### **§ 4 Poradźowace wuběrki a jich nadawki**

Wutworja so slědowace poradźowace wuběrki:

1. Zarjadniski wuběrk
2. Techniski wuběrk
3. Wuběrk za kulturu, młodžinu, sport, šule a socialne

#### **§ 5 nadawki zarjadniskeho wuběrka**

W zamołwitosći zarjadniskeho wuběrka leža slědowace wobłuki nadawkow:

1. personalne naležnosće, powšitkowne zarjadniske naležnosće
2. finančne a hospodarske nadawki, zapřijawši naležnosće wotedawkow
3. zarjadnistwo gmejnskich ležownosćow
4. prawo

#### **§ 6 Nadawki techniskeho wuběrka**

Přislušnosť techniskeho wuběrka wopřija slědowace nadawkowe wobłuki:

1. planowanje twarskeho nawoda a twarow (wysoko- a hłubokotwar; wuměrjenje),
2. zastaranje a wotstronjenje,
3. nadróžne wobswětlenje, techniske zarjadnistwo dróhow, twarskeho dwora, jězdźidłow,
4. wobchadne zarjadnistwo,
5. wohnjowoborne naležnosć kaž tež katastrofowy a ciwilny škit,
6. porjad a wěstota,
7. techniske zarjadnistwo gmejnskich twarjenjow,
8. wobswětoškit, hladanje krajiny a wobhospodarjenje wodźiznow.

#### **§ 7 Nadawki wuběrka za kulturu, młodžinu, sport, šule a socialne**

Přislušnosť wuběrka za kulturu, młodžinu, sport, šule a socialne wopřija slědowace nadawkowe wobłuki:

1. kulturelne naležnosć,
2. šulske naležnosće,
3. socialne a strowotniske naležnosće,
4. naležnosće w zmysle zakonja wo dźěćacych dnjowych přebywanišćach
5. młodžinske naležnosće

6. džěło z młodžinu a sport
7. wobhospodarjenje zarjadnišćow wólnočasneje zaběry

## **DRUHI WOTRĚZK WJESNJANOSTA**

### **§ 8 Prawniske stejišćo wjesnjanosty**

- (1) Wjesnjanosta je předsyda gmejnskeje rady. Wón zastupuje gmejnu.
- (2) Wjesnjanosta je čestny zastojnik na čas. Jeho hamtska doba traje sydom lět.

### **§ 9 Nadawki wjesnjanosty**

- (1) Wjesnjanosta je zamołwity za wěcywustojne spjelnjenje nadawkow. Wón spjelnja w swójskej zamołwitosći jemu po zakonskich předpisach abo wot gmejnskeje rady přenjesenych nadawki, dalokož nje za to přisłušny Zarjadniski zwjazk "Při Klóšterskej wodže".
- (2) Wjesnjanosće přepodadza so slědowace nadawki, kotrež maja so stajnje spjelneć, dalokož njejedna so hižo wo nadawki běžneho zarjadnistwa a dalokož njehodza so we wobłuku budžeja kryć:
  1. wobhospodarić srědki po hospodarskim planje gmejny hač do 10.000 eurow w jednotliwym padže,
  2. přizwolić nad- a zwonka planowe wudawki a płáčomne wudawki hač do 3.500 eurow w jednotliwym padže,
  3. přistajić, pomjenować, powyšić a pušćić přistajenych, pomocnych přistajenych, džělačerjow, kandidatow zastojnstwa, wučomnikow, praktikantow a dalše we wukubłanju stejace wosoby,
  4. přizwolić bjezdawkowe dočasne wupłaćenje mzdow kaž tež podpěry a kreditow džěłodawarjow we wobłuku wot gmejnskeje rady wobzamknjenych směrnicy,
  5. přizwolić přiražki, kotrež njejsu w hospodarskim planje wupokazane, hač do 1.000 eurow w jednotliwym padže,
  6. wusadzić žadanja w jednotliwym padže hač do dweju měsacow w njewobmjezowanej wysokosći a hač do šěsć měsacow hač k maksimalnje 1.500,00 eurow,

7. cofnýt žadanja gmejny a pobić tajke žadanje gmejny, wjesć prawniske rozestajenja a wotzamknýt wurunaja, hdyž cofnjenje abo pobiće, hódnota rozestajenja abo při wurunanjach připrajenje gmejny w jednotliwym padže wjace hač 500,00 eurow njewučinja,
8. předawać a wěcownje počězować, kupować a mēnjeć pódowe wobsydstwo abo pódže podobne prawa w knižnej hódnoće hač do 500,00 eurow w jednotliwym padže,
9. zrěčenja wotzamknýt wo wužiwanju ležownosćow abo mobilneho zamóženja hač k lětnej hódnoće wotnajeća abo přenajeća we wysokosći 2.000,00 eurow w jednotliwym padže,
10. předać mobilne zamóženje hač do 1.000,00 eurow w jednotliwym padže,
11. skazać wěstoty, přewzać rukowanja a zawjazki z rukowaćelskich zrěčenjow a wotzamknýt hospodarsce jim blisko stejace prawniske jednanja, dalokož wone w jednotliwym padže 2.500,00 eurow njepřesahuja.

(3) Wjesnjanosta ma wobzamknjenjam gmejnskeje rady znapřećiwić, hdyž je mēnjenja, zo njewopowěduja prawnskimi postajenjam; wón móže jim znapřećiwić, hdyž je mēnjenja, zo so na njedobro gmejny wuskutkuja. Znapřećiwnjenje ma so bjezposrědnje, najpozdzišo w běhu jednoho tydženja po wobzamknjenju napřećo gmejnskim radźicielam wuprajić. Znapřećiwnjenje ma skutkownosć wotstorčenja. Runočasnje ma so z podaćom přičinow znapřećiwnjenja zwołać posedženje, w kotrymž ma so naležnosć znowa wobzamknýt; tute posedženje ma so najpozdzišo štyri tydženje po přěnim posedženju wotměć. Hdyž so po mēnjenju wjesnjanosty tež nowe wobzamknjenje zakonjeje spřećiwnja, ma wón znowa znapřećiwić a bjezposrědnje rozsud prawniskeho dohladowanskeho zarjada wo prawosći docpěć.

## **§ 10 Zastupnistwo wjesnjanosty**

Gmejnska rada wuzwoli z jeje rjadow jednoho abo wjacorych zastupjerjow wjesnjanosty. Zastupnistwo wobmjezuje so na pady zadžěwanja wjesnjanosty.

## **DRUHI DŽĚL**

### **SOBUSKUTKOWANJE WOBYDLERJOW**

#### **§ 11 Wobydlerska zhromadźizna**

Wobydlerska zhromadźizna po § 22 SächsGemO ma so wotměć, jeli wobydlerjo za to próstwu staja. Próstwa ma so z pomjenowanjom wuradźowaceje naležnosće pisomnje zapodać. Próstwa ma być wot znajmjeńša 10 procentow wobydlerjow, staršich hač 16 lět, podpisana być.

#### **§ 12 Prótwa wobydlerjow (wobydlerska próstwa)**

Gmejnska rada ma gmejnske naležnosće, za kotrež je wona zamołwita, w běhu třoch měsacow wobjednawać, jeli su wobydlerjo za to próstwu stajili. Próstwa mja so pisomnje z pomjenowanjom wuradźowaceje naležnosće zapodać. Próstwa ma być wot znajmjeńša 10 procentow wobydlerjow, kotřiž su 16. žiwjenske lěto zakónčili, podpisana.

#### **§ 13 Požadanje wobydlerjow**

Za přewjedženje wobydlerskeho rozsuda po § 24 SächsGemO móže so wot wobydlerjow gmejny pisomnje próstwa stajić (wobydlerske požadanje). Wobydlerske požadanje dyrbi być wot džesać procentow wobydlerjow gmejny podpisané.

## **TŘEĆI DŽĚL**

### **DALŠE PŘEDPISY**

#### **§ 14 Nabyće plaćiwosće**

Tute wustawki nabudu džeń po jich zjawnym wozjewjenju plaćiwosć. Runočasnje zhubja hłowne wustawki gmejny Chróscicy w formje z dnja 02.10.2009 kaž tež 1. změna hłownych wustawkow w formje z dnja 19.11.2010 swoju plaćiwosć.

Chróscicy, dnja 21.09.2017

Kliman

wjesnjanosta